

CHINESE - JAPANESE LIBRARY OF
HARVARD YENCHING INSTITUTE
AT HARVARD UNIVERSITY
FEB 3 1941

2

T 3210/3530.717



寧志備攷卷二

當湖鈍叟趙維寰輯

壇壝

二之一

社稷壇○舊在縣城北白馬廟後莫知所自始宋

大觀中縣令歐陽珣即其舊新之元至正三年

改建於州治北一里大德五年議置西南郊州

守高愿易地如制更置木主稱海寧州社州稷

入國朝洪武十一年改建於縣西北三里

正德三年知縣丁儀為復建今處增置宰牲齋

哈佛大學漢和
圖書館珍藏印

宿等舍 右所載壇制沿革錄郡志合之邑志微有異同

按大德係

元成宗號至正係順帝號至正去大德幾七十年不應前後倒置乃爾蓋世祖滅宋在至元十三年更置社稷當在此時而舊志誤至元為至正誤十三年為三年又誤縣治為州治世祖時鹽官仍縣未改州即成宗時亦未有海寧名也曰海寧州社州稷俱誤一曰大德間知州高源非高愿未詳孰是○按圖經云社稷壇制在縣北二里後遷縣北一里半莫詳歲月今縣學有

政和二年令歐陽珣修壇碑記嘉定元年令潘景夔重修增置更衣之次仍令守者環植松柏

○圖經考異云壇在縣北二里舊有寫本圖經則曰在西南比歲縣西南之忠孝坊西十字巷口錢氏墳園因治地得舊甃皆有社字坊側有石橋邑人猶稱社壇橋意舊壇在其旁近云則所云西南者良是 按歐陽珣碑記今猶在聖殿前東廡之南北面碑上勒

圖制頗精細與今碑不同

風雲雷雨山川壇

邑厲壇

鄉厲壇

旗纛壇

以上四壇俱詳邑志○按郡志壇壝雜見於祠

廟中非是當以縣志為正

祠廟

城隍廟今制詳邑志不重列○按宋圖經云廟在

縣治東三十八步邑人稱為永固王○圖經考

異云臨安志云父老相傳本府城隍舊額號永

固王紹興二十年別封保順通惠侯則邑人稱

王襲府號非也

雙廟○今制詳郡邑志不重列○宋圖經云廟在

縣治西一百三十步祀張許雷南姚五公鍾禮

部必萬作重修記云歲月失載不可攷新城縣

亦有許公廟乾道三年令耿秉聞於朝敕賜靈

惠廟額而監官則襲睢陽之稱至今號雙廟規

制卑隘紹興二年令陳恕邑士曾伋率邑人即

其故地新之羣公各有祭文及題咏○圖經考

異云今殿後介福堂西梁題云雍熙四年建東
梁題云天聖八年令王可回重修上棟題云令
趙彥駿則淳熙年也而鍾禮部記乃云歲月莫
考何耶○按臨安志有許將軍廟在縣西一百
三十步梁大同二年建今邑中並無許將軍廟
意即雙廟是謂梁大同二年建恐非

雙仁祠○在縣西北安化坊吳越王錢鏐建祀顏
真卿而以其從兄杲卿配享元末燬明正德
九年知縣曹珪重建嘉靖二十八年知縣高尚

志重修歲以八月望日致祭

張文忠公祠○在城南書院中祀宋狀元張無垢
先生于有成撰記

名宦祠○在學宮祀宋朱公綽王昞

刁 靡 陳 恕 魯 誼 元 臧 夢 獬

王公輔 明方直 榻銘德 羅 能

李 芳 郭 郊 蔡 祐 李 完

凡十四人

鄉賢祠○在學宮祀梁戚節哀顧未歡

唐褚無量 許遠 顏真卿 宋郭知運

張九成 施德操 楊璿 楊由義

史徽 許明懋 沈升 李貞

孫子良 胡奎 姚哲 祝淇

徐寬 祝萃 陳珉 查益

許元奎 毛鵬 唐琳 查繪

董載 陳忠漸 凡二十九人

三皇廟 郡志云宋有三皇廟八一在郡治七在

海寧等各縣今廢

東嶽行祠 ○ 詳邑志 宋圖經云祠舊在縣東北二里

紹興二年徙縣東二里

昭烈王祠 ○ 今廢載邑志 ○ 宋圖經云慶元三年主簿

趙希樞建附葆真庵後載祀典嘉定元年新宜

興丞趙彥摺又立祠于安國寺東

烏龍大王廟 ○ 詳縣志 ○ 宋圖經云崇祐廟在縣東

八十二里金牛山下舊係烏龍王廟紹興十一

年以禱雨驗勅賜今額按此則烏龍大王廟即

崇祐廟也

福濟廟

○詳邑志

○宋圖經云廟在金牛山下舊係

臯蘇將軍廟舊圖經云山下有臯小郎碑紹興

初碑尚存已不知何代人父老相傳昔臯蘇二

王逐黃巢至此不獲遂死之因立廟國朝紹興

十年以禱雨驗勅賜今額

此與邑志小異

白馬神廟

○詳郡邑志外志

○圖經考異云劉拱記曰郭

西大廟有白馬神者今廟乃在北且邑人以王

稱恐非

胡令公廟

○詳談子外志

○圖經考異云令公不知何

許神俗傳不一難信臨安志云孤山智果院彌

勒佛閣注云晉天福四年錢忠獻王遣令公胡

進思往婺州雙林發傳中士塔此豈是與○按

圖經作于宋而猶不能確以為是乃外志言之

鑿鑿何也必有所攷

朝宗王廟有○宋高宗祭文

見郡志

翁使君廟○在縣南二里

見圖經郡邑志俱不載

漢壽亭侯廟○在處有之其在邑之鎮海門者崇

禎二年秋八月燬邑人重建

致忠祠○在城祀副千戶呂忠歲以正月二十三

日致祭

見郡志邑志不詳

秦王廟

西楚霸王廟

上二廟見邑志亦見圖經

驃騎將軍蘇公廟

見圖經詳外志

靈順行祠

五土廟

天妃宮

朱將軍廟

巖峯曹將軍祠

以上祠廟五

陸司空祠

見郡志邑志

閻少卿廟

徐偃王廟

五郎廟

上三廟郡邑志俱不載見圖經

龍祠

崔府君廟

廣福廟

周將軍廟

郭店新廟

以上祠廟五郡邑志俱不載止外志收

按郡志以先師廟啓聖祠並列之祠廟中大非

若名宦鄉賢二祠固不妨與顏許諸公並列也

元成宗大德三年加鹽官州海神曰靈感弘祐公

加吳大夫伍員曰忠孝威惠顯聖王二神皆以

海患故加封然祠廟不知何在但據元史錄之

附府學鄉賢祠寧邑先達祀其中者凡七人曰顧

歡曰褚無量曰許遠曰張九成曰施德操曰楊

璿曰楊由義

忠烈祠 在郡城祀諸武臣之死倭變者十人而寧有其一曰姜楫

兩浙名賢祠 在孤山之陽祀兩浙先賢四十八

人而寧有其七即前顧歡以下七人也○按以

上諸祠俱在郡城以寧人與其中併記之

公署 二之三

諸已載邑志者不重列獨據郡志及宋圖經補其未備以俟參攷

海甯縣署○建自宋太平興國四年蘇夢齡為之

記載政和七年令王昞重建陳昱為之記載

邑志淳熙十年令陳申重建獄屋莫淑光為之記載

邑志○元改縣為州○我明洪武二年仍改

縣署皆仍舊萬曆五年知縣蘇湖重建總記今

署之制中為正堂堂前為甬路甬路中為戒石

亭東西序為六房正堂東隅為架閣庫西隅為

耳房庫後為穿堂又後為知縣宅正堂西為二

縣丞宅折南為吏廨堂東為軍器庫為典史宅

折南為主簿宅儀門東為土地祠西為延賓館
儀門外東為申明亭西為旌善亭二亭各鄉鎮俱有共三十

五所前有譙樓即大門也志見郡

按郡志所謂今制特就陳善修志時言善修府志在萬曆初年去今踰五十年矣中又不知幾更據余今所見正堂西二宅一居清軍丞一居典史東一宅居管糧丞而主簿宅在儀門內之東土地祠延賓館則俱在儀門外之東申明旌善二亭東西相對其架閣庫則從正堂之西隅

耳房庫從正堂之東隅穿堂之西別有小廳為令宴憇之所由穿堂而進有廳有實屋計四層以居令衙眷若堂前露臺俱用石版平鋪最為華整則新自天啓間鮑光觀光凡此皆郡志所未及也其他曲折未易縷數請以埃宅其中者縣署之東有東司○張寧海塘記云僉憲山錢公以塘工告成撤其羨材重建按察分司即所謂東司也其西舊有府館令改為安化王祠司署規制未詳

寧誌備攷 卷二
邑有二巡司一曰石墩巡檢司一曰赭山巡檢司
二司各有公署在其治所規制未詳

永平倉在縣治西南官署即在倉內已廢甚規制
未詳

常平倉即預備倉在北門外河西社壇之北中有
廳事兩旁為廩屋外有門正德間令曹珪建嘉
靖十二年令胡堯時重修

邑有便民倉在長安鎮中有廳有宴憇處有吏書
房有庖湍漕糧俱于此兌運本縣管糧丞自十

月開倉後恒駐劄其中上司之督糧者及縣令
亦時至焉規制未悉

寧有陰陽學在拱辰門內之西規制未詳

寧有惠民藥局在大街西規制未詳

邑中有稅課局在大街今革其署已為民佃

寧舊有硤石長安稅課局轉塘湯鎮稅課局又有

海寧硤石二河泊所長安驛長安壩等署今官
革署俱無可攷

寧有千戶所去縣治東百步許所署雖不及縣而

比于東司宏敞倍之前後左右堂房門舍頗備
後有旗纛壇其中規制曲折不能悉

寧有接官亭在北門外中有廳事每 詔至則迎
龍亭置其中而縣令率其屬行禮焉

寧有養濟院今在縣北二百五十步署制未詳○
按成化志宋建于縣西一百步後廢紹熙二年

令陳恕重建于光華亭之北元徙于甘棠橋南
○圖經云故老相傳謂養濟院今新宜興丞趙
彥摺所建昭烈王祠即其故址紹熙二年令陳

恕重修

寧有鹽場二一日許村場署在城內北寺街一日

西路場署制未詳

寧城外之東西鄉各有鹽倉鹽使 查盤至間

往觀焉倉有廳有平屋有鹽廩一日官建一日

鹽商建

附宋公署制○圖經云縣治太平興國四年建以

鼓樓為門亦名勅書樓刻漏在焉仍置鉦鼓以

鳴夜漏瓶始不知歲月樓之側翼以二亭曰手

詔曰宣詔樓距中門十七步門之東為丞尉解尉解之前有隙地以演習弓兵因名教場令解與丞尉解相比以西為上簿解則在縣治之西皆有便門以通往來兩廡列帑藏犴狴屬焉曹局各有區別令之堂曰清愛曰燕喜門曰延佇以通後圃圃有堂曰平政曰綠繞有亭曰錦香曰仰高舊名芥納曰梯雲西廳之後有便室曰讀書林其側曰進德齋花卉夾徑松檜參天可為公餘遊息之地若夫剏始增修間有記以識歲月

宋鹽課

○買納場在縣南二百步舊號臨平監

太平興國四年置今雙廟介福堂有通直郎守

光祿寺丞知臨平監王克濬題識其官解在鹽

倉之西榜曰鹽監○蜀山場在縣西二十七里

與岳門亭巒相接紹興初海岸圯移置邑南百

餘步○巖門場在縣西三十六里併隸蜀山催

煎○上管場在縣西南一里淳熙間以蜀山岳

門下管催煎兼監俗稱西四場其官解以舊非

正官所寓無定今雖辟正猶寓嶽祠○下管場

在縣東一十八里併隸蜀山岳門催煎其官解
舊在蜀山場紹興初海岸圯隨場移縣南○南
路場在縣東六十里有催煎官解在黃灣巡司
南二里許○袁花場在縣東六十里併隸南路
催煎○黃灣場在縣東六十里併隸南路○新
興場在縣東三十五里亦併隸南路○運鹽官
有解即在買納官解之西

圖經考異云故老相傳昔無訟堂即舊正廳後
別創正廳堂遂為宴憇之所以無訟名之題扁

今不存今西廳是也以重建縣廳記攷之政和
八年令王昞別為治事之所而增大之旁翼修
廊以處群吏以設帑藏前為大門又前為樓以
榜縣額其後則為燕休之室焉按此則知廳舍
至王令而畢備故老之言亦不為妄雖中更變
故而劫火弗及至紹興元年令陳恕重修累政
必加營繕不可盡攷又以廳記攷之鼓樓係政
和八年王令建重修縣樓記云樓極版題宣和
五年令金譽修則知今縣樓創于政和而修于

宣和令陳恕因其弊而又修之實紹熙元年也
今縣額牌之左題云崇寧丙戌建豈今之縣樓
非王令勗始耶抑舊縣之牌始于崇寧王令勗
今樓而不欲泯其年耶未詳○考異又云縣丞
陳昱作廳記謂縣有丞甫十年設官之初每事
草具解舍尤隘陋由是一新之時政和十年也
逆而計之舊解當勗于大觀間○考異又云故
老相傳簿舊無解舍嘗寓安國寺紹興 年主
簿鄭烈徙于縣西五十四步即今地也意舊解

毀于兵火暫寄安國耳尉張諤作題名記云主
簿李抃欲勗題名于廳左柱上得十三人前有
鄭君序今猶隱然可攷

外史氏曰益余讀圖經公署志而不能不為憮
然昔之丞簿尉猶今之丞簿尉也官非加於今
而署中所題識者曰挺立曰學古曰晞梅綽有
超然塵外之致焉肯以錙銖升斗屑其慮哉沿
至于今同其官不同其趣至有不知挺立學古
為何說晞梅為何物者噫無言吏治矣

分土 二之四

宋土地額要領已載邑志若郡志所載雖詳以太

瑣碎不錄

元土地額無攷

國朝土地額邑志已載但據郡志補其未備

洪武十年田地山蕩共一萬二百八十八頃六十

一畝

內田六千八百六十七頃一十三畝○地二千

九百七十六頃九十九畝○山一百七十七頃

一十六畝○蕩二百六十七頃三十三畝

永樂二十年宣德七年正統七年景泰三年天順

六年成化八年上五冊官民田地山蕩池皆九千

四百六十五頃四十八畝八釐

內官田四伯七十五頃五十八畝一分有奇○

官地一伯九頃一十三畝二分有奇○官山三

十八頃六十九畝四分八釐有奇○官蕩四十

八頃四十三畝三分有奇○官池一畝九分

民田六千二百六十六頃五十八畝一分有奇

○民地二千六十四頃八十九畝三分有奇○
民山一百四十九頃八十一畝八分有奇○民
蕩三百一十頃三十七畝六分有奇○民池一
頃九十四畝九分有奇

成化十八年弘治五年弘治十五年上三冊官民
田地山蕩池皆一萬五百五十四頃四十二畝五
分有奇

內田七千四十五頃二十五畝五分有奇○地
二千九百三十二頃八十二畝一釐有奇○山

二百一十頃一十八畝六分有奇○蕩三百六
十四頃一畝二分有奇○池二頃一十四畝九
分有奇

正德七年嘉靖元年嘉靖十一年嘉靖二十一年
上四冊官民田地山蕩池皆九千四百六十七頃
二十六畝四分六釐有奇

內官田四百七十六頃一十六畝三分有奇○
官地一百九頃二十九畝八分有奇○官山三
十八頃六十九畝四分有奇○官蕩四十九頃

一畝八分○官池一畝九分

民田六千二百六十六頃六十九畝五分有奇

○民地二千六十五頃缺畝九分有奇○民

山一百四十九頃八十一畝八分有奇○民蕩

三百一十頃五十九畝六分有奇○民池一百

九十四畝九分有奇

嘉靖四十一年官民田地山蕩池共九千四百六

十七頃二十六畝四分有奇

內官田四百七十六頃一十六畝三分有奇○

官地一百九頃二十九畝八分有奇○官山三

十八頃六十九畝四分有奇○官蕩四十九頃

一畝八分有奇○官池一畝九分

民田六千二百六十六頃六十九畝五分有奇

○民地二千六十五頃缺畝九分有奇○民

山一百四十九頃八十一畝八分有奇○民蕩

三百一十頃五十九畝六分有奇○民池一頃

九十四畝九分有奇

隆慶六年田地山蕩塘基共九千三百二十七頃

六畝九分有奇

內深村田地魚蕩八千七百五十七頃二十五

畝二分有奇○塘南地一百五十二頃九十七

畝八分有奇○草蕩一百二十九頃缺缺畝九

分有奇○山水蕩漚二百八十七頃六十九畝

九分有奇○忠臣祠基地一十二畝九分有奇

以上俱錄郡志

編戶 二之五

宋元戶口額已載縣志不重列獨元額郡志曰至

元縣志曰至正當是至元

國朝戶口額已載縣志者不重列獨補其未備

正統七年○戶七萬一千七百六十六口二十三

萬一千六百九十六

景泰三年○戶七萬一千一百口二十六萬八千

七百九

成化十八年○戶六萬六千五百一十一口二十

三萬六千一百五十一

弘治五年○戶六萬六千四百二十三口二十三

萬六千五十一

嘉靖四十一年○戶六萬六千二百九十八口二十四萬二千七百九十三

隆慶六年○戶六萬六千二百九十八口二十四萬二千七百九十三

以上六條皆縣志所不載今據郡志補之

嘉靖元年○戶六萬六千二百八十九口八萬八千九百七十二

嘉靖十一年○戶六萬六千二百八十九口八萬

八千七百五十二

以上二條邑志已載但戶數與前後不甚懸而口數差至十四五萬恐死亡流徙未必若是甚也乃郡邑志所載皆同何與或曰口字下當有十字然以十八萬較二十四萬亦差六萬歷稽前後累冊未有減至二萬外者且以累朝休養而戶口徃徃日減偽增固不可偽減之所留餘果在民間乎是不可不核毋為異時奸胥口實也

寧邑風俗 二之六

寧邑風習如隋志及蘇夢齡所記已詳舊志

李洪記云風俗簡儉農夫深耕蠶婦織紵樂歲家
給人足斥其贏奉釋教惟謹緇褐塞路不耕蠶
而仰食于民者不知幾千指云

陳善云先達如許睢陽之節義張侍郎之理學許
黃門之高尚斯誠願為執鞭而不得者乃近世
景行前修之士雖亦不乏而沿流襲弊者往往
有之或廣貨產以相誇或報睚眦以自快或因

鬪墻起鷙蝮之訟或緣嗜利恣漁獵之圖四境
鵠訐之風以漸日甚耕夫蠶婦終歲勤動曾不
得宿飽而富者益饒貧者益瘠矣求如往歲之
斥其贏以奉釋教者恐亦不多見也挽頽復古
其在賢者乎○節物所尚附見于後

正月元旦先夕汎掃堂室架松柴于爐中是日五
鼓興焚之大家則爇炭取旺相意也隨盛陳花
燭糕果于各神及祖先前貧富隨力又以糖豆
米團祀竈謂之接竈祀畢即分餉米團于家衆

取團圓意次則炳燭焚香拜各神祖先又次則
家衆聚立中堂卑幼拜賀尊長畢則男子出拜
其宗黨親友各致祝詞謂之賀節人家各設酒
筵客來拜者延坐三五行即辭出設筵延客郡
城皆然寧俗
則間是早大小人家開門皆放炮謂之開門炮
各家插柏枝于門大家則置之祠堂前亦有插
梅花于瓶中者○立春前一日官府迎春于東
郊前陳鼓吹雜喙以導芒神土牛時老幼相率
聚觀填塞街巷謂之看春其所歷人家有設香

燭者或包五穀拋擲芒神土牛中者以為佳兆
此後延客多用春餅是日亦有焚松柴藝炭者
○月之初八日年老佞佛者俱往附近寺院念
佛謂之頭百佛十八日亦然謂之二百佛時男
婦雜沓所在皆爾而東嶽廟尤盛○元宵前後
張燈五夜十五為最盛時簫鼓喧闐往來觀燈
者至夜分始罷菊花燈獨盛于雙廟凡賽花筒
賽鼓板者于此畢集焉而菊花燈與元宵鼓遂
居寧邑三絕之二大小人家又各製米團供神

佛分食之謂之燈團亦取團圓意也○先是初三夜至十一夜鄉村婦女俱迎天姑以下一歲吉凶問田蠶豐歉亦有召厠姑者若燈夜卜則以為不靈驗

二月初一日唐宋時謂之中和節有挑菜之會今民間春分前後必輪年作會會首醵金具牲酒祀土穀神祀畢即為社會飲但無定期

三月初三日有雙廟會會首設優樂迎張許諸公于廟祀之諸家與會者以數十人計每歲更番

輪直自唐宋至今不絕是夜養蠶之家各包裹蠶子置綿衣中寢于身下謂蠶得人氣始生也亦有全家避出不舉燈者謂可免鼠侵之患

清明節各家門簷偏插楊柳或戴之首家各設奠祀祖先又各備具祭掃墓所掛紙錢于樹杪家製青團供祀分食之亦古寒食遺意云

四月立夏日以諸果品雜置茗椀親鄰彼此餽遺名曰七家茶亦古八家同井比隣相餽之意此亦郡城俗尚是日各相戒勿坐戶檻謂可不病夏甯間有之

○是月為蠶月養蠶之家各閉戶即親隣不得
輕入尤忌丐取○月之十一日邑人皆齋戒往
祀城隍神

五月五日相傳為天中節先于朔日懸五色花紙
于門亦古五色絲辟兵避病之意庭下則以瓦
盆雜植葵艾菖蒲至日先以角黍牲酒祀神享
先畢則家衆聚飲雄黃蒲酒食石首魚又以雄
黃酒噴洒四壁祛諸毒也家貼符于門堂中或
懸天師象或刻艾作虎形畫蛇蝎等物或書赤

口白舌盡消滅帖子粘之屋壁為禳禳或取益
母稀簽諸草為藥物皆在午時先期親戚互相
餽遺等于歲節僧道則以辟惡靈符分送檀越
醫家則以雄黃及諸品香餽于所嘗往來者是
日武弁率軍兵于演武場行射柳事○是月十
三日相傳謂漢壽亭侯誕生日往往釀金設會
至有盛張臺閣徧迎街巷致男婦雜沓聚觀者
于南廟尤獨盛云○芒種前後鄉村各具牲酒
祀土神謂之發黃梅各相勸飲而後插青彼此

寧波府志 卷二
相助曰伴工○夏至日設奠祀先祖或曰惟鄉
村然城中則否○若午日競渡則寧以少水未
之見也

六月六日浴猫犬于水習俗相沿不知所謂○是
月廿九日安國寺有觀音會甚盛男婦禮佛者
動以千計有不遠數十里沿塗膜拜而來者先
一夕諸進香者皆雜坐殿中以待漏諸殿不能
容則集于露臺丹墀或于僧舍謂之宿山自廿
九日起至次月終每絡繹不絕是日前後有洗

階兩往往驗時諸商賈各以奇貨來稅房張肆
必半月餘始散謂之趕積

七月立秋日人各飲少水相傳謂飲之可無痢症
○七夕則設瓜果為乞巧會或細切茄絲和麵
為餅油煎食之○十五日用釋氏盂蘭盆法用
素饌素餛飩饗先或召僧道作法事施食放湖
燈以資冥福有喪之家于十三日五鼓即設茶
餅迎先靈晝則具奠至十七夜則具奠以送即
無喪之家先迎後送亦畧相同送時多用腥饗

八月中秋親友以月餅相餽遺是晚大家有設宴
玩月者然不若元宵端午之盛○是月自十三
至十八日男婦往海上觀潮者頗多里人則醵
金作社會如春社然○廿四日各家祀竈
九月九日名重陽節各家市蒸栗糕以供神及祖
先豪家亦有為登高宴者○是日有雙廟會與
三月三日同○霜降前一日闡帥揚兵大道以
迎旂纛民多往觀

十月朔俗謂之十月朝各家設祀饗先大家多出

郊拜祭于墓所畧仿清明禮○立冬日各家採
野菊煎湯澡浴

十一月冬至祀先享神交拜賀先期親友餽遺畧
仿元旦之一二

臘月十二日養蠶之家各以鹽鹵茄灰薰揉蠶子
藏之穀殼中至廿四則出之浴于川以待春至
○廿四日各家祀竈亦祀土神蓋歲終報禮意
也○丐者于是日前後裝灶公灶毋貌鳴鑼相
逐以乞錢物亦古逐疫意云○此日以後各家

拂塵換桃符門神更寫春聯貼合家歡圖于壁
諸酒果品物貧與富各隨力營辦街坊鼓吹之
聲從此直徹元宵矣親友之相餽遺者盒擔塞
道○除夕前之二三日內各家具羊豕酒果或
三牲報祀城隍百神其奠祖先多在除夕是夕
大家則懸掛影像然香燭于堂不設影像者即
潔拭祠堂陳列供具及夕則架松柴于門外焚
之或有焚于五鼓者有喪之家則熾炭于爐內
燈下舉家骨肉合坐歡飲或至夜分謂之守歲

各家以赤豆為飯留至元旦和新炊食之謂之
隔年飯亦有燃燈床下謂之照虛耗者亦有以
酒果祀床神祈兒女安寢者其禱竈抱鏡出聽
響卜之亦徃徃有之爆竹聲不絕幾達旦
土產 二之七

寧邑物產甚饒舊志頗悉茲特補其未備
穀之屬曰稻名色甚多大較不出粳糯二種然亦
有早晚不同山縣多早寧邑地近嘉湖種多晚
曰菽有斑豆有褐豆有寒豆有裙帶豆

蔬之屬曰冬菜俗稱為長梗白宜久藏曰蒿菜曰
山藥有紅白二種白者佳曰胡荽俗稱芫荽可
用點茶曰筍園筍邑地皆有茅笋出東南諸山
皆不廣曰芥曰菌俗名為蓋有可食有不可食
果之屬曰香圓曰香芋曰茅栗曰茨菰曰西瓜曰
甜瓜曰香瓜曰棗海甯棗名甚著核細而味佳
名鹽官棗俗訛為羊冠棗按此據郡志書之余
戊辰病覓之不得詰其故曰往時棗園已盪入
海種絕久矣為存其名云

藥之屬曰百合曰芍藥曰貝母曰天門冬曰蓖麻
子曰茴香曰見腫消曰金銀花曰蒼耳子曰益
母草曰充蔚子即益母草子曰菊花曰稀簽草
曰山梔子曰地骨皮曰枳實曰枳殼曰枇杷葉
曰兔頭骨曰狸骨曰蟾酥曰蜂子曰蜜蠟曰蜂
房曰龜甲曰桑螵蛸曰原蠶蛾曰蛇蛻曰蜈蚣
曰白頭蚓

織之屬曰木棉布曰苧布曰麻布曰兼絲布曰絲
曰綿曰綿紬紬出安國寺者佳出硤石寺者更

寧談備列 卷二
佳價亦倍往時一貪令取之無度于其售也且
抽稅焉寺僧遂相約但官長問即曰杼軸已空
無復織者非重價密購之不可得

竹之屬曰鳳尾竹

花之屬曰臘梅檀心磬口者佳曰紅梅曰蜀葵有
五色曰秋葵曰錦葵花小而紫曰秋海棠曰長
春曰酴醾曰木香曰紫荆曰紫薇曰千葉桃曰
夾竹桃曰木筆曰玫瑰曰玉蘭曰茉莉曰蘆花
曰蓼花

草之屬曰木棉曰孔麻曰青秧曰茅曰蒿曰辣蓼
曰酒藥草曰燈心曰芭蕉曰鷄脚草曰金絲荷
葉曰老少年曰吉祥草曰萍曰荻草類甚繁已
入藥品者俱不列

貨之屬曰茶邑東南諸山有之然不廣味亦薄曰
菊花燈亦曰橘花燈以其圓也居寧三絕之一
曰石舊硖石所採紅石粗甚近採鳳凰諸山石
堅碧可用曰磚瓦

羽之屬曰戴勝

本縣稅課局帶辦○翎毛三千四百六十根○魚
鰓七斤一兩

緒山湯鎮稅課局帶辦○翎毛一千八百四十根
○魚鰓四斤

長安稅課局帶辦○翎毛一千根○魚鰓二斤
本縣河泊所帶辦○翎毛三萬六千一百根○魚

鰓七十五斤
硤石河泊所帶辦○翎毛一萬二千一百三十根

○魚鰓二十五斤

按郡志本府各縣通貢其在成化十年者弓二
千張箭一萬八千一百枝弦一萬條毛皮四千
五百六十張翎毛五十萬而寧于其間獨居五
之四彼八邑者分辦其六此其故何也豈寧產
獨饒于他邑抑爾時當事者爭之不力耶或曰
府自有府貢各縣各自有貢余不得其詳姑存
以備攷

寧遠府志備攷卷二 終

